

17.25 CUNTRASTS SIN SRF 1

100 000 objects – 100 000 istorgias

150 onns Museum retic – emprima part



Il 8 da zercladur 1872 avra il Museum retic, l'emprim museum dal Grischun, sias portas. Da lez temp vegniva exponì sulet-tamain en ina stanza. Cun ils onns è la collecziun creschida ad in crescher ed oz posseda il museum radund 100'000 objects. Da tutta sorts iseglia purila, l'entira paletta da guaffens da mintga mastergn, x-variantas dal tegnairchasa, monduras vegliandras, emprims apparats electronics – la glista na prenda nagina fin. La pitschna part dals objects è exponida en ils locals dal museum, la gronda massa è deponida en il deposit. Per ses giubileum da 150 onns avra il Museum retic las portas da ses deposit e lascha scuvrir ils «Cuntrasts» in mund plain istorgia ed istorgias, in mund fullanà cun objects prezius, custavels, scurrils, spectaculars ed era tut banals.